

ZAPISNIK SA 12. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK 26.05.2020. GODINE

Prisutni: D. Smital; Dž. Kahrica; E. Čengić; E. Fočo; D. Miljević; M. Herac; M. Baručija; O. Bukić; S. Kavazović;
N. Arnautović; M. K. Pašalić; E. Agić

Odsutni: N. Tadić; M. Grbo; S. Gadžo; R. Kukić; J. Sogović - opravdano

Dnevni red:

1. Zapisnici sa 11 redovne i 1,2 i 3 vanredne sjednice
2. Aktuelna situacija u BHRT-u
 - inicijative Podružnice RTV Produkcija (E Čengić)
 - inicijative E. Čengić
3. Rad u Sindikatu
4. Finansije
 - Izvještaji blagajnika (D. Karšić)
5. Ugovori
 - Adriatic
6. Dodjela pomoći (M. Herac, M. Baručija, R. Kukić)
7. Razno
 - mjere sigurnosti

AD 1. D. Smital je na osnovu člana 35. Statuta Samostalnog sindikata radnika u BHRT-u, otvorio 12. sjednicu UO SSR u BHRT-u u 12.37 sati. E. Agić je pod tačku razno dnevnog reda predložio temu mjere sigurnosti. Dnevni red je jednoglasno usvojen uz predloženu izmjenu. Također jednoglasno su usvojeni zapisnici sa 11 redovne i 1, 2. i 3. vanredne sjednice UO sindikata.

AD 2. D. Smital je informisao UO da je 8. maja tražio od generalnog direktora održavanje sastanka sa rukovodstvom sindikata po pitanju aprilske plate. Direktor je rekao da trenutno nema potrebe za organizovanjem sastanka obzirom da su još uvijek na snazi mjere opreza u vezi pandemije i da će informisati sindikat o isplati plate.

D. Smital je upoznao UO sa dvije inicijative Podružnice RTV Produkcije.

E. Čengić je kao povjerenik, obrazložio inicijative Podružnice RTV produkcije. Prvom inicijativom se predlaže da UO Sindikata od menadžmenta BHRT-a traži u pismenoj formi izvještaj priliva sredstava od RTV takse za prva četiri mjeseca 2020. godine. Druga inicijativa Podružnice RTV Produkcije je da se obustavi isplata svih stimulacija na nivou BHRT-a. Naime, uz prethodnu plaću za mjesec mart isplaćena je stimulacija radnicima koji su radili za vrijeme virusa Corona, ali ne svim zbog finansijske situacije u kojoj se naša kuća nalazi. Podružnica RTV Produkcije smatra da ukoliko finansijska situacija ne omogućava podjednako stimulisanje radnika koji su radili u vrijeme pandemije, onda ne treba niko ni da bude stimulisan. Ukoliko je ušteda sredstava u BHRT-u onda je ušteda za sve, pa zbog toga Podružnica RTV produkcije traži da se obustave sve stimulacije u našoj kući.

Nakon duže rasprave u kojoj su učešće uzeli M. Herac, D. Miljević, E. Fočo, Dž. Kahirica, E. Čengić i D. Smital, UO Sindikata je jednoglasno usvojio prvu inicijativu podružnice RTV Produkcija uz izmjenu da menadžment dostavi informaciju o naplati RTV takse za prva četiri mjeseca 2020. godine i prva četiri mjeseca 2019. godine.

Drugu inicijativu, u vezi stimulacija, E. Čengić je povukao.

E. Čengić je informisao UO sindikata da je, kao povjerenik podružnice, od kolege Dž. Efendića dobio informaciju o prijavi koju je svom rukovodiocu podnio protiv M. Gerina, kao i njegovu molbu da sindikat reaguje po ovom pitanju. E. Čengić je predložio UO Sindikata da se u usmenoj formi od menadžmenta traži da rukovodilac reditelja i realizatora upozori realizatore na ponašanje u režiji prema video mikserima i svim kolegama u lancu proizvodnje programa, jer je ovakvo ponašanje suprotno odredbama Općih pravila ponašanja uposlenika BHRT-a.

Nakon duže rasprave zaključeno je da se pošalje dopis menadžmentu sa navodima iz prijave Dž. Efendića i zahtjevom da se ovaj slučaj ispita i poduzmu mjere u skladu sa odredbama Općih pravila ponašanja uposlenika BHRT-a, a kako se ovakvi događaji ne bi ponavljali.

Ovaj prijedlog zaključka je jednoglasno usvojen.

E. Čengić je predložio da Komisija za pravnu pomoć sindikata pošalje upit disciplinskoj komisiji za odluku u postupku protiv Vedada Merdana, a za koji je sindikat donio odluku o pravnoj pomoći na 48. sjednici UO sindikata koja je održana 27.11.2018. godine, jer do današnjeg dana sindikat nije dobio nikakvu odluku disciplinske komisije, kao i da su izdvojena značajna sredstva za pravnog zastupnika. N. Hodžić je na 49. sjednici UO sindikata, 27.12.2018. godine, informisao UO o održanoj sjednici Disciplinske komisije po ovom slučaju, na kojoj je prisustvovao kao predstavnik sindikata.

D. Smital je obavijestio članove UO da je od V. Merdana dobio usmenu informaciju da nikakvu odluku nije dobio od disciplinske komisije. Pravni zastupnik sindikata je predsjedniku poslao odgovor vezan za upit E. Čengića u kojem stoji "S obzirom da se radi o navodnoj povredi radne dužnosti koja se desila u 2018. godini, to je u smislu član 61. Zakona o radu u institucijama Bosne i Hercegovine nastupila zastara disciplinskog procesuiranja. Od održavanje rasprave u predmetu Vedada Merdana, koja se održala u 2018. godine, ja kao opunomoćeni branilac nisam dobio nikavu obavijest ili odluku. Kako je protekao period od dvije godine i nastupanje zastare, ovaj predmet smatram završenim, te nema potrebe da se od disciplinske

komisije traži bilo kakva informacija i da ih se podsjeća na njihove obaveze, jer je komisija dužna da vodi računa o zastarama i donošenju odluka.” Nakon ove informacije zaključena je rasprava po ovom pitanju.

Plaća uposlenika BHRT-a od marta mjeseca umanjena je za 10% a na osnovu Člana 6. Pravilnika o plaćama i naknadama. Obzirom na teško finansijsko i socijalno stanje naših članova, E.Čengić smatra da sindikat može izdvojiti određena sredstva za sve članove sindikata. Finansijskom podrškom koju bi pružili pokazali bi bar mali znak pažnje prema svim članovima, a obzirom da ne možemo uticati zakonski na odluke generalnog direktora i smanjenje vrijednosti boda.

E.Čengić je predložio da se pomoć članovima realizuje kroz poklon bonove DM-a u iznosu od 30 KM obzirom da sindikat sa tom firmom ima jako dobru saradnju. Također je iznio da je dobio predračun DM-a i sindikat bi dobio popust od 1300KM. D.Miljević je predložio da ukoliko se UO sindikata odluči za ovu inicijativu, onda predlaže da to bude bon za prehrambene artikle u iznosu od 50 KM. M.Baručija je predložio da se realizacija ove inicijative ostavi za iduću sjednicu, a do tada da se razmotre sve ponude koje sindikat dobije. Nakon duže rasprave u kojoj su učešće uzeli i M. Herac, N. Arnautović, Dž. Kahrca i D. Smital, UO Sindikata je usvojio zaključak da se izdvoje sredstva kao jednokratna pomoć za članove sindikata, a da se na slijedećoj redovnoj sjednici razmotre sve ponude koje sindikat dobije. Za prikupljanje ponuda do iduće sjednice, zaduženi su Dž. Kahrca i E. Čengić. Za ovaj zaključak je glasalo 11 za i 1 protiv.

Nakon obavljene rasprave članovi UO su glasali o dva prijedloga iznosa poklon bona:

Po prijedlogu E. Čengića o iznosu od 30KM po članu, UO je glasao: 5 ZA, 2 PROTIV i 5 SUZDRŽANIH

Po prijedlogu D. Miljevića o iznosu od 50KM po članu, UO je glasao: 5 ZA, 4 PROTIV i 3 SUZDRŽANA

Obzirom da nijedan prijedlog nije dobio potrebnu većinu glasova, Dž.Kahrca je predložio iznos od 40KM po članu. Ovaj prijedlog je usvojen sa 10 glasova ZA i 2 PROTIV.

AD 3. Obzirom na primjedbe većeg broja članova UO, D.Smital je je predložio zaključak da se komunikacija u viber grupi UO može vršiti od 9 do 17 radnim danima. Izuzetak od ovog pravila su hitne informacije kao što su napadi na radnike, neprimjenjivanje mjera sigurnosti(za koje je potrebno hitno djelovanje) i sl. Poruke lične prirode kao i iznošenje rekla kazala informacija neće biti dozvoljena. Izuzetak su čestitke za praznike (lični, vjerski ili državni). Obzirom da je odlukom o informisanju određeno da je dužnost predsjednika da vodi računa o načinu komunikacije u ovoj grupi, svi oni koji ne budu poštovali gore navedena pravila bit će isključeni iz grupe. Ovaj zaključak je jednoglasno usvojen.

D.Smital je informisao UO da je dobio od kolege S.Brkića iz Bihaća, povjerenika Podružnice ITC, informaciju (e-mail) da A.Džidić i H.Bošnjak istupaju iz sindikata. Oni su o tome e-mailom obavijestili M. Mujkića koji je to prosljedio S.Brkiću. Također je informisao UO o razgovoru i korespondenciji porukama koje je prije toga imao sa kolegom Džidićem, u vrijeme kada je isplaćena martovska plata, u kasnim noćnim satima.

Zapisnik sa Skupštine je uradila M.Pašalić Kurtović koji su uz nju potpisali i Dž.Kahrca i E.Fočo kao ovjerivači zapisnika. Dž.Kahrca je informisao kolegu Džidića o namjeri da rukovodstvo sindikata dođe u Zenicu na razgovor sa predsjednikom skupštine, što kolega Džidić nije prihvatio i nije želio da potpiše zapisnik. D.Smital je napomenuo da kolege ne mogu izaći iz sindikata dok ne dostave potpisanu ispisnicu.

E.Čengić je rekao da nekoliko ljudi daje maksimum u sindikatu, a u proteklom periodu smo pokušali na neki način pomoći članovima i radnicima, pa je sindikat donirao maske koje su tada bile, a i danas su potrebne u RTV Domu, nakon toga je Dž.Kahrca našao među prvima vizire za ljude koji su najviše izloženi virusu na radnom mjestu. Mišljenja je da je dosta urađeno i da se još može uraditi ali ljudi u UO sindikata nisu zaslužili od pojedinaca tako loš odnos.

Nakon što je dobio informaciju o istupanju kolega, E. Čengić je razgovarao sa kolegom Džidićem, ali kolega nije želio da promjeni mišljenje. 06.05.2020. je poslao e-mail sa molbom ali i ispisnicom obzirom da se jedino tako može istupiti iz sindikata. Obzirom da nije dobio ni ispisnice ni odgovor od kolega, pokušao je ponovo razgovarati sa A.Džidićem, ali je taj razgovor bio izuzetno nekorektan od strane kolege Džidića.

D.Miljević je iznio da mu nije jasno kako A.Džidić ne poznaje procedure izlaska iz sindikata, obzirom da je predsjednik skupštine, nego šalje e-mail šefu ITC Zenica o istupanju iz sindikata. Nakon kraće rasprave, zaključeno je da su kolege A.Džidić i H.Bošnjak još uvijek članovi sindikata.

AD 4. Blagajnički izvještaji D.Karšić za februar,mart i april 2020. godine su primljeni k znanju.

AD 5. Dž. Kahrca je izvjestio UO da je potpisan novi ugovor sa Adriatic osiguranjem sa istim uslovima i pogodnostima za članove kao do sada. M.Herac je informisala UO da je u proteklom mjesecu evidentirano 9 registracija , što znači 158.41 KM povrata za sindikat. Izvještaj M.Herac je primljen k znanju.

AD 6. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec maj dobiju slijedeći članovi: Ismet Arnautović 500KM, Adisa Dedić-Kološ 300KM(III dio), Meliha Selimbegović 150KM (II dio), Muharem Kovačević 100KM. Ukupno 1.050,00 KM. Prijedlog komisije je jednoglasno usvojen.

AD 7. E.Agić je istakao problem koji Odjel sigurnosti ima sa odredbom obaveznog nošenja rukavica u zgradi RTV Doma, jer pojedini uposlenici nemaju rukavice.

Na prijedlog E. Agića, UO Sindikata je jednoglasno usvojio zaključak da se uputi molba o izmjeni odluke o obaveznom nošenju rukavica u RTV Domu i ukidanju te odredbe iz odluke. Ukoliko se ne ukine ova odredba, sindikat će tražiti od menadžmenta da Odjel sigurnosti dobije precizne upute šta da rade u slučajevima kršenja te odredbe od strane uposlenika.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital